



Na osnovu Sporazuma broj: 02-14-18222/18 od 31.08.2018. godine koji je potpisao Grad Zenica i NGO Muslim Aid Sarajevo, Gradonačelnik donosi:

**PRAVILNIK
O UTVRĐIVANJU USLOVA, KRITERIJA I POSTUPAKA ZA OSTVARIVANJE PRAVA ZA
DODJELU STEONIH JUNICA**

I OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za ostvarivanje prava na dodjelu 10 (deset) steonih junica koji finansira Grad Zenica i NGO Muslim Aid Sarajevo (u daljem tekstu: Projekat)

Član 2.

Pravo na učešće u Projektu imaju prioritetne kategorije stanovništva - nezaposlene osobe sa područja Grada Zenica koje nemaju grla krupne stoke ili posjeduju samo jedno grlo krupne stoke, a imaju vlastito poljoprivredno zemljište u površini od 3 dunuma ili uzeto u zakup najmanje na 2 godine te adekvatan štalski objekat lociran u blizini stambenog objekta u kojem podnosilac zahtjeva stanuje.

Pravo na dodjelu steonih junica nemaju lica koja su u posljednjih 4 godina dobila ovakvu ili sličnu donaciju iz oblasti poljoprivrede od Grada Zenica, nadležnih ministarstava, humanitarnih i drugih organizacija. Također, pravo na dodjelu steonih junica nemaju korisnici koji u svome vlasništvu već imaju više od jednog grla krupne stoke.

II PRAVA UČEŠĆA I USLOVI ZA DODJELU STEONIH JUNICA

Član 3.

Opći uslovi za dodjelu steonih junica:

- podnosilac zahtjeva je nezaposlena osoba i nalazi se na Birou za zapošljavanje (minimalno 3 mjeseca od objavljivanja javnog poziva),
- podnosilac zahtjeva je nosilac poljoprivrednog gazdinstva upisan/a u Registar poljoprivrednih gazdinstava (RPG) i Registar klijenata (RK) u Gradu Zenica koji je izvršio/la ažuriranje podataka za 2018. godinu,
- ukoliko nije upisan/a u registar podnosilac zahtjeva će izvršiti upis u Registar poljoprivrednih gazdinstava i Registar klijenata,
- podnosilac zahtjeva posjeduje vlastito poljoprivredno zemljište ili uzeto u zakup u površini od minimalno 3 (tri) dunuma,



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- podnosilac zahtjeva posjeduje vlastiti štalski objekat, odnosno koji je u vlasništvu užeg člana porodice, adekvatan za smještaj grla (zadovoljava zoohigijenske i zootehničke uslove držanja stoke) ili uzet u zakup u neposrednoj blizini mjesta stanovanja,
- podnosilac zahtjeva ne posjeduje više od jednog krupnog grla stoke,
- podnosilac zahtjeva će sufinansirati projekat sa 10% od nabavne cijene steone junice.

Posebni uslovi za dodjelu steonih junica (koji će se bodovati):

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržanih članova zajedničkog domaćinstva,
- period proveden na Birou za zapošljavanje - podnosilac zahtjeva,
- samohrani roditelji,
- mlade osobe do 35 godina starosti,
- štalski objekat (zoohigijenski i zootehnički uslovi u štali),

III KRITERIJI ZA BODOVANJE PODNOSIOCA ZAHTJEVA ZA DODJELU STEONIH JUNICA

Član 4.

Kriteriji za bodovanje podnosioca zahtjeva:

1. Broj članova zajedničkog domaćinstva

- | | |
|-------------------|--------|
| ▪ 1 - 3 člana | 1 bod |
| ▪ više od 3 člana | 2 boda |

2. Nezaposleni i izdržavani članovi porodice

- podnosilac zahtjeva je nezaposlen (vrijeme provedeno na birou za zapošljavanje):

▪ od 0 - 3 god.	1 bod,
▪ od 3 - 6 god.	2 boda,
▪ od 6 - 10 god.	3 boda,
▪ više od 10 god.	4 boda,
- za svakog punoljetnog nezaposlenog člana porodice koji se nalazi na Evidenciji nezaposlenih osoba Biroa za zapošljavanje 1 bod,
- za svakog izdržavanog člana porodice (nezaposlene osobe koje se ne nalaze na Evidenciji nezaposlenih osoba Biroa za zapošljavanje, djeca, učenici i sl.) 1 bod,

- | | |
|--|-----------|
| 3. Mlade osobe životne starosti do 35 godina | 5 bodova, |
| 4. Ukoliko je podnosilac zahtjeva samohrani roditelj | 2 boda, |



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

5. Socijalni aspekt

- | | |
|--|-----------|
| ▪ nema primanja | 7 bodova, |
| ▪ minimalna primanja po članu do 100,00 KM | 6 bodova, |
| ▪ minimalna primanja po članu domaćinstva do 200,00 KM | 5 bodova, |
| ▪ minimalna primanja po članu domaćinstva do 250,00 KM | 4 boda, |
| ▪ minimalna primanja po članu domaćinstva do 300,00 KM | 3 boda, |

6. Pogodnost štalskog objekta

- | | |
|---------------------|---------|
| ▪ slabi uslovi | 1 bod, |
| ▪ dobri uslovi | 2 boda, |
| ▪ jako dobri uslovi | 3 boda, |

7. Stanje na terenu i opći dojam

0 - 3 bodova.

Kada kandidati pri bodovanju imaju isti broj bodova, prednost će imati mlade osobe do 35 godina starosti.

IV OBAVEZNA DOKUMENTACIJA

1. Zahtjev za prijavu na Javni poziv,
2. Ovjerena kućna lista,
3. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji kopija zdravstvene knjižice,
4. Potvrde iz škole/fakulteta za djecu/izdržavane članove domaćinstva (kopija zdravstvene knjižice),
5. Uvjerenje ili drugi dokaz o prosječnom prihodu za posljednja 3 mjeseca za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke),
6. Vlasništvo nad parcelom podnosioca zahtjeva ili člana zajedničkog domaćinstva (kopija ZK izvadka ili Posjedovnog lista) ili ovjeren Ugovor o zakupu poljoprivrednog zemljišta sa kopijom ZK izvadka ili Posjedovnog lista, na minimalno 2 godine,
7. Ovjerena izjava da posjeduje štalski objekat u svom vlasništvu odnosno vlasništvu člana zajedničkog domaćinstva ili uzet pod zakup u neposrednoj blizini mjesta stanovanja,
8. Ovjerena izjava da podnosilac zahtjeva posjeduje samo jedno grlo krupne stoke ili nijedno u svom vlasništvu,
9. Ovjerena izjava da će korisnik podsticaja dobiti jedno grlo u vlastitom uzgoju zadržati najmanje 2 godine od dana potpisivanja Ugovora,
10. Ovjerena izjava da podnosilac zahtjeva ili član zajedničkog domaćinstva u posljednjih 4 godine nije dobio ovakvu ili sličnu donaciju iz oblasti poljoprivrede od Grada, nadležnih ministarstava, humanitarnih i drugih organizacija,
11. Ovjerena izjava da će sufinansirati sa 10% od nabavne cijene steonih junica,
12. Ovjerena izjava da je upisan u Registar poljoprivrednih gazdinstava i klijenata u Gradu Zenica ili će pokrenuti postupak upisa do dobijanja steonih junica.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

V IZBOR KANDIDATA

Član 5.

Grad Zenica objavljuje Javni poziv za predaju zahtjeva za dodjelu steonih junica.

Javni poziv sadrži uslove i kriterije koje kandidat mora ispunjavati, potrebnu dokumentaciju i rok za podnošenje zahtjeva.

Izbor kandidata za dodjelu steonih junica vrši se na osnovu pristiglih prijava na Javni poziv.

Član 6.

Komisiju za odabir krajnjih korisnika za dodjelu steonih junica čine jjedan predstavnik organizacije Muslim Aid i dva predstavnika Grada Zenica koje odredi Gradonačelnik.

Zadaci Komisije za dodjelu steonih junica stoke su:

- da izvrše pregled prispjelih prijava,
- da izvrše provjeru upisa u Registar poljoprivrednih gazdinstava u nadležnoj službi,
- da izvrše evidentiranje kandidata koji ispunjavaju uslove iz Javnog poziva,
- da izvrše uviđaj na licu mjesta,
- da na osnovu utvrđenih kriterija za bodovanje sačine rang listu kandidata te istu dostave Gradonačelniku.

Rang lista odabranih kandidata će biti objavljena na oglasnoj ploči Grada i službenoj web stranici Grad Zenica.

Član 7.

Izabrani kandidati potpisuju dvopartitni Ugovor o dodjeli steonih junica, kojim će biti regulisana sva dalja međusobna prava i obaveze.

Član 8.

Pravilnik stupa na snagu danom donošenja.

Broj: 02-14-18222/18-1

Zenica, 09.09.2018.

GRADONAČELNIK

Fuad Kasumović



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

JAVNI POZIV
za podnošenje zahtjeva za dodjelu steonih junica

Grad Zenica u saradnji sa NGO Muslim Aid sa sjedištem u Sarajevu raspisuje Javni poziv za podnošenje zahtjeva za dodjelu 10 (deset) steonih junica (steone junice Pasmine Simental), a na osnovu Pravilnika o utvrđivanju uslova, kriterija i postupka za ostvarivanje prava za dodjelu steonih junica broj: 02-14-18222/18-1 od 11.09.2018. godine.

Projekat finansiraju Grad Zenica sa 40%, NGO Muslim Aid Sarajevo sa 50% i krajnji korisnik sa 10% od nabavne cijene steonih junica.

I PRAVO UČEŠĆA

Pravo na učešća na Javnom pozivu imaju prioritetne kategorije stanovništva - nezaposlene osobe sa područja Grada Zenica koje nemaju grla krupne stoke ili posjeduju samo jedno grlo krupne stoke, a imaju vlastito poljoprivredno zemljište u površini od 3 dunuma ili uzeto u zakup najmanje na 2 godine.

Pravo na dodjelu steonih junica nemaju osobe koja su u posljednjih 4 godina dobila ovakvu ili sličnu donaciju iz oblasti poljoprivrede od Grada Zenica, nadležnih ministarstava, humanitarnih i drugih organizacija. Također, pravo na dodjelu steonih junica nemaju osobe koje u svome vlasništvu već imaju više od jednog grla krupne stoke.

II USLOVI

Podnosilac zahtjeva treba da ispunjava sljedeće opće i posebne uslove (koji će se bodovati):

1. OPĆI USLOVI:

- da je nezaposlena osoba i da se nalazi na Birou za zapošljavanje (minimalno 3 mjeseca od dana objavljivanja javnog poziva),
- da je kao nosilac poljoprivrednog gazdinstva upisan u Registar poljoprivrednih gazdinstava (RPG) i Registar klijenata (RK) u Gradu Zenica, te da je izvršio ažuriranje podataka za 2018. godinu,
- ukoliko nije upisan u registar da će izvršiti upis u Registar poljoprivrednih gazdinstava,
- da posjeduje vlastito poljoprivredno zemljište ili uzeto u zakup najmanje na 2 godine, u površini od minimalno 3 (tri) dunuma,
- da posjeduje vlastiti štalski objekat, odnosno koji je u vlasništvu užeg člana porodice, adekvatan za smještaj grla (zadovoljava zoohigijenske i zootehničke uslove držanja stoke) ili uzet u zakup u neposrednoj blizini mjesta stanovanja,
- da ne posjeduje više od jednog krupnog grla stoke
- da sufinansira projekat sa 10% od nabavne cijene steone junice.



2. POSEBNI USLOVI:

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržavanih članova zajedničkog domaćinstva,
- period proveden na Birou za zapošljavanje - podnosilac zahtjeva,
- samohrani roditelji, mladi bračni parovi do 35 godina,
- štalski objekat (zoohigijenski i zootehnički uslovi u štali).

Kada kandidati pri bodovanju imaju isti broj bodova, prednost će imati mlade osobe do 35 godina starosti.

III OBAVEZNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Ovjerenu kućnu listu,
2. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji kopija zdravstvene knjižice,
3. Potvrde iz škole/fakulteta za djecu/izdržavane članove domaćinstva (priložiti kopiju zdravstvenu knjižice).
4. Uvjerjenje ili drugi dokaz o prosječnom prihodu za posljednja 3 mjeseca za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke),
5. Vlasništvo nad parcelom podnosioca zahtjeva ili člana zajedničkog domaćinstva (kopija ZK izvadka ili Posjedovnog lista) ili ovjeren Ugovor o zakupu poljoprivrednog zemljišta sa kopijom ZK izvadka ili Posjedovnog lista, na minimalno 2 godine,
6. Ovjerenu izjavu da posjeduje štalski objekat u svom vlasništvu, odnosno vlasništvu člana zajedničkog domaćinstva ili uzet pod zakup u neposrednoj blizini stanovanja,
7. Ovjerenu izjavu da podnosilac zahtjeva posjeduje samo jedno ili nijedno grlo krupne stoke u svom vlasništvu,
8. Ovjerenu izjavu da će korisnik podsticaja dobijeno grlo u vlastitom uzgoju zadržati najmanje 2 godine od dana potpisivanja Ugovora,
9. Ovjerenu izjavu da podnosilac zahtjeva ili član zajedničkog domaćinstva u posljednjih 4 godine nije dobio ovakvu ili sličnu donaciju iz oblasti poljoprivrede od Grada Zenica, nadležnih ministarstava, humanitarnih i drugih organizacija,
10. Ovjeranu izjavu da će sufinansirati projekat sa 10% od nabavne cijene steone junice,
11. Ovjerenu izjavu da je upisan u Registar poljoprivrednih gazdinstava i klijenata u Gradu Zenica ili će pokrenuti postupak upisa do dobijanja steonih junica.

IV. PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija koju će imenovati Gradonačelnik, a koju će sačinjavati jedan predstavnik NGO Muslim Aid i dva predstavnika Grada Zenica.

Zadaci Komisije za dodjelu steonih junica stoke su:

- da izvrše pregled prispjelih prijava,



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- da izvrše provjeru upisa u Registar poljoprivrednih gazdinstava u nadležnoj službi,
- da izvrše evidentiranje kandidata koji ispunjavaju uslove iz Javnog poziva,
- da izvrše uviđaj na licu mjesta,
- da na osnovu utvrđenih kriterija za bodovanje sačine rang listu kandidata te istu dostave Gradonačelniku.

Rang lista odabranih kandidata će biti objavljena na oglasnoj ploči Grada i službenoj web stranici Grad Zenica.

NAPOMENA:

- Kandidati koji ostvare pravo na dodjelu steonih junica obavezni su prisustvovati edukaciji u trajanju od jednog dana.

V. NAČIN I ROK PODNOŠENJA PRIJAVA

Zahtjev sa obaveznom dokumentacijom se dostavlja u zatvorenoj koverti na Protokol Grada Zenice ili preporučeno putem pošte, na adresu:

GRAD ZENICA
Služba za privredu i upravljanje razvojem
Komisija za provođenje Javnog poziva
Trg BiH 6
72 000 Zenica
Bosna i Hercegovina
Sa naznakom:

"Prijava na Javni poziv dodjele steonih junica – NE OTVARATI"


Obrazac zahtjeva za prijavu se može preuzeti na Info pultu Grada Zenica.

Rok za podnošenje prijave na Javni poziv je 15 dana od dana objavljivanja na web stranici Grada Zenica www.zenica.ba i oglasnoj ploči Grada Zenica, odnosno do **26.09.2018. godine.**

Sve dodatne informacije i pojašnjenja u vezi sa Javnim pozivom se mogu dobiti u Službi za privredu i upravljanje razvojem Grada Zenica, kancelarija broj 322 ili na broj telefona 032/447-706 svakim radnim danom od 07:30 - 16:00 sati.

Nepotpuna, neuredna, netačna i neblagovremena dokumentacija se neće uzimati u razmatranje.

GRADONAČELNIK


Fuad Kasumović